



Broj:
Sarajevo, 03.04.2013. godine

MEDIJIMA

Predmet : Informacija za medije

BANKARSKI SEKTOR FEDERACIJE BiH U 2012.GODINI

Trend rasta štednje građana i blago poboljšanje profitabilnosti banaka

Iako su u prošloj godini zabilježena pozitivna kretanja u segmentu štednje i profitabilnosti banaka, ipak, najveći problem sa kojim su se banke suočavale bio je obezbjeđenje kvalitetnih izvora finansiranja u pogledu ročnosti, sa obzirom na činjenicu da je finansiranje iz inostranstva značajno smanjeno, a finansijska i kapitalna podrška iz bankarskih grupacija, u čijem su vlasništvu banke iz F BiH, značajno reducirana.

Pokazatelji do kojih je došla Agencija putem dostavljenih izvještaja banaka u F BiH govore, da je štednja stanovništva krajem prošle godine dostigla iznos od 5,76 milijardi KM što je povećanje za 7,4 % ili 395 miliona KM u odnosu na kraj 2011.godine, dok su ukupni depoziti kao najvažniji izvor finansiranja banaka u prošloj godini zabilježili pad u iznosu od 164 miliona KM ili 1,5 %. Rast štednje i pad depozita rezultat je prije svega negativnih efekata krize na realni sektor.

Kreditni portfelj banaka, kao najveća stavka bilansa banaka, sa krajem prošle godine iznosio je 10,67 milijardi KM dakle, zabilježio je neznatan rast od 1,7% ili 178 miliona KM. U tome krediti stanovništvu iznose 5,08 milijardi KM a krediti privatnim poduzećima 5,14 milijardi KM. U 2012. godini plasirano je ukupno šest milijardi KM novih kredita, što je za 7% ili 402 miliona KM više u odnosu na 2011. godinu. Od ukupno plasiranih kredita na privredu se odnosi 71%, a na stanovništvo 25%. Novčana sredstva sa 31.12.2012.g. iznose 3,96 milijardi KM i manja su za 9,5% ili 415 miliona KM u odnosu na kraj 2011. godine.

Također, primjetno je i smanjenje kreditnih obaveza banaka koje su iznosile 1,14 milijardi KM ili 7,6% od ukupnih izvora finansiranja i manje su u odnosu na kraj 2011. godine za 178 miliona KM ili 13,5%. Ukupni kapital je iznosio 2,22 milijarde KM, što je za 6,7 % ili 139 miliona KM više nego na kraju 2011. godine.

Prema konačnim nerevidiranim podacima za 2012. godinu, kod većine banaka došlo je do pozitivnih kretanja u segmentu profitabilnosti te su banke u Federaciji BiH ostvarile dobit u iznosu od 112 miliona KM.

URED FBA ZA INFORMIRANJE